

اداره مخصوصه

در سعادتده باب عالی جاده سنده

محل اداره :

# مستطابق

اخطار :

مسلك كنزه موافق آثار جديده مع المنونيه  
قبول اولنور  
درج ابدله بن آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن  
بحث ايدر و هفته ده بر دفعه نشر اولنور.

صاحب و مؤسسى :

ابوالعلا زين العابدين — ح. اشرف اديب

آبونه بدلى

سنه لى

۸۰

التى آيلنى

۴۰

غروش

»

هر طرف ايچون

تاريخ تاسيسى

۱۰ تموز ۳۲۴

در سعادتده نسخه سى ۵۰ پاره در

قبراه دن مقوا بورو ايله كوندريليرسه سنوى

۲۰ غروش فضله آلنير

در سعادتده پوسته ايله كوندريليرسه ولايات بدلى اخذ اولنور

اوچنجي جلد

۲۴ شعبان ۳۲۷ پنجشنبه ۲۷ اغستوس ۳۲۵

عدد : ۵۳

بوکونکی بولندیغمز حال سفیله قارشى قلبمزی ارضا ایده بيلمک بزم  
ایچون قابل اولورمی ؟

شوکتتمزی تارمار ایدن ، بزى بوحاله کتیرن مصیبتلرک کافهسى  
انجق اللهک، پیغمبرک بزى نهی ایتمش اولدیغی تفرقه یه، نفاقه دوشرکدن  
دوشدکدن صکره باشمزه کلدی. لسانمزدن دوشمه ین، قلوبمزی اطمئان  
ایچنده براقان کله اللهک بزدن طلب ایتمکه اولدیغی حقوقی ادا ایتمش اولدیق  
عجبا اجنبیلر ایچون بویله مملکتلر مزی پارچه پارچه ایتمک، سیف غالبیتلرینی  
کوزمزک اوکنده پارل پارل پارلاقمی قابل اولورمیدی ؟

شریعتک بیان ایلدیکی حقیقتلره قارشى اینسای مسلمینک یقینی  
واردر. لکن صاحب یقین ایچون فرائض السهبی ایفا ایتمکده بر دین  
دکایدر؟ «أحسب الناس أن یترکوا أن یقولوا آمنا وهم لا یفتنون. ولقد  
فتنا الذین من قبلهم فلیعلمن الله الذین صدقوا ولیعلمن الکاذبین» شبهه  
یوقدرکه هر مؤمن اللهک یاننده صادق چیقمسنی ایستر، کاذب چیقمسنی  
ایسته مز. پک اعلا، بویله بر امتحان السهبی نتیجه سنده صادق کاذب دن  
آیره جق صدق عملده کی صدقن باشقه نه اوله بیلیر ؟ هیچ حقیقی  
بر مسلمان ذات، محقریت ایچنده کچه جک، ولو بیک سنه لک ، بر حیاته  
طالب اولورمی که باشقه جه حیات فانیه یی استخفاف ایتمک کندیسی  
ایچون دلیل ایماندر ؟ بزم مسلمانلر او قدر شان وشوکتدن صوکره  
اصل راضی اوله بیلیرز که ذلت ایچنده ، مسکنت ایچنده یوارلانمده  
مذهبمزی طانیایان، شریعتمزی محترم طوتمیان، حقوقمزه، عهد سزه  
رعایت ایتمین بر طاقم یانجیلر کلسینا ، مملکتتمزه، ملکتمزه بیلدکری  
کی تصرف ایتسونلر؛ وطنمزی المزدن آلهرق باشقه الله تودیع  
ایلسونلر ؟ خایر ! خایر !

دین آلهی به نصرت ایدنلرک منصور اوله جغقی تأیید ایدن ( ان  
تنصروا الله ینصركم ویثبت اقدامکم) وعد از ایسنه بل باغلامش خالص  
مسلمانلر مالتی، جانی فدا ایتمک خصوصنده هیچ کری طور مازلر.  
نصل طور سونلر که حق اوله ایستیور. الله اوله امر ایدیور، ضرورت  
بویله ایجاب ایدیور، باشقه درلو قورتولمق امکانی یوق ...

بصیرتلی نور خدادن نصیبه دار اولانلر بیلیرلر که دین الهی به  
نصرت، شریعت بیضایی اعلا انجق وفاق ایله، مؤمنلر آره سنده کی  
ارباب اخلاصه تعاون ایله قابل اوله بیله جک ، رایات اسلامک یرلرده  
سوروندیکنی، مملکتلریمزک پارچه پارچه ایدیلرک المزده قالان قسمنی  
غصب ایچونده اجنبیلر آره سنده قرعه آیلدیغنی کورمک، صوکراده  
بو قدر ذلته، بو قدر فلاکت قارشى هیچ بر حرکتده بولنماق، وحدت  
کله یه چالیشماق بزه لایقیدر، عجبا بومسکنتتمزله، بو وظیفه سزاکمزله  
برابر حالا مسلمان اولدیغمزی ادا ایده بیله جکی بز؟

وحدته میل ایتمک، احراز حاکمته، حوزه اسلامی حمایته بیک  
جان ایله اوغراشمق بوتون مسلمانلرک قلبنده یرطوتمش صفات کامنه  
دندر؛ لکن اولکی مقاله لر مزره و بیلدیکمز بر طاقم اسبابک حیولتی  
وجدانلردن کن صدای حق دیکله مه یه مانع اولیور.

بناء علیه مسلمانلرک حالی سهودر، عصیان دکلدنر؛ زله در، ضلال  
دکلدن .

اوله کوریورم که عامای عاملین قالقسه لرده بر برلرندن خبردار  
اولمایان مسلمانلر آره سنده معارفه حصولنه چالشسار ، بر قطعه ده کی  
افرادک صداسنی دیکر قطعه ده کی افراده اسماع ایتمکه حصر فکر  
ایتسه لر، آرزمان ظرفنده آمال ملتی جمع وتوحید ایتمک قابل اولوردی.  
هله الله بیت حرام کی بتون قطعات ارضدن قویوب کن مسلمانلرک  
طوبلاندیغی بریر اولدقن صو کرا بومقصده وصول او قدر زور  
دکلدن . جناب حق هر سنه حجاز ارضنده هر شیرتدن ، هر جنسندن،  
هر قبیلهدن بر چوق اینسای ملتی جمع ایدیور . آرتق دنیانک هر  
طرفدن کیش اخوان دین آره سنده سویلنه جک سوزلرک نه بیوک  
تأثیری اولمق ایجاب ایده جکی تأمله محتاج دکلدن .

هله بو محشر مسلمینده طوبلانان خلقک بر قسمی دیکر قسمک  
یبانجی اللرک استبدادی ، تحکمی آئنده نصل ایکلیدیکی طویه جق،  
ا کلا یه جق اولورسه عالم اسلامده کی انتباه قابلیت مجرده حالندن چیقهرق  
بر فعل ، بر حرکت شکلی آلیر .

مصر مفتیسی مرحوم شیخ محمد عبده

مترجمی: محمد عاکف



کتب کلامیه نک احتیاجات عصره کوره اصلاح و تألیفی

بین المسلمین مذاهب مختلفه نک توحیدی

مدرسه لرده تدریساتک اصلاحی

مقرری	محرری
موسی کاظم	خ. اشرف ادیب
مابعد	

بن سزه شیعی علماسندن بریله ایتدیکمز بر مباحثه یی حکایه  
ایده ییم، سزه ده بو امنیت کلیر. هم غایت متمصب بر شیعی ایدی؛ فقط  
عالم، جدی بر ذات. دیدم که :

— نه در سزک اصل محل نزاعکمز، خلافتکمز؟ نرده شبهه ایدر سکز؟

— اصل خلافت مسئله سنده! ... دیدی.

— اونده نزاع ایده جک بر شیعی یوق. بکا قالیرسه نزاع دکمز .

— یوق، دیدی، غایت مهم در. بو، بر مشدر اسلامی، محو

ایتشدر، دینی آلت اوست ایلمشدر... پیغمبردن صو کرا خلیفه علی  
اولمادی ...

دیدم که: — «خلافت پیغمبردن صو کرا علی یه عاندر» سوزی

بر دعوادر، دلیل ایستر. بوکا دلیلکمز نه در؟

او بر چوق شیر صایدی، دوکدی. اما هپسی واهی. دیکله دم،

دیکله دم، نهایتنده دیدم که: — بو سوزلرک هیچ بریسی دلیل دکل.

بونلر هپ ظن افاده ایدر. سن اورته یه بر دعوی قویدک که مطالب

یقیناً در مسائل اعتقادی بدن برشی ظنی شیلرله اثبات اولنه ماز. هایدی بر مسئله فرعیه اولسون ده ظنی دلیلار ایله اثبات اولنه بیلسون. ینه او یما یور.

صوکره بشقه شیاره صایدی؛ سویلیدی، سویلیدی. فقط هپ واهی شیلر. نهایت دیدم که:

— حضرت پیغمبردن خلافتنه دائر، یعنی کندیسنندن صوکره کیمک خلیفه اوله جفته دائر قولاً هیچ برشی صدور ایتمه مشدر. بو، قطعی در. دلیل: اگر حضرت پیغمبرک کندیسنندن صوکره مقام خلافتنه کیم که جگنه دائر کندیسنندن بر قول صریح شرفصدور ایتمه ییدی بو مسئله ده اصحاب کرام اختلاف ایتمز لردی. چونکه اصحاب کرامک حضرت پیغمبره درجه اطاعتی هر کسجه معلوم. حتی حضرت پیغمبرک ارتحال دار بقا بیوردقلری کون انصار ایله مهاجرین خلافت مسئله سنی مذاکره ایتمکلری صرعه ینلرنده اختلاف ظهور ایتمدی. نهایت بونک اوزرینه انصار کرام: بر امیر بزدن بر امیر سزدن اولسون، دیدیلر. صدیق چیقوبده (الائمة من قریش) حدیثی او قونجه انصار طور دیلر: — مادام که پیغمبر بویله بیورمش، بزم بوندن صوکره انزاعمز یوق، کندیکنز انتخاب ایدیکنز... دیدیلر...

کور و او یور که کندیسنندن صوکره کیمک خلیفه اوله جفته دائر صراحت قولیه شویله طورسون، ایماً قولی بیله یوقدی. دیمک که حضرت پیغمبر بومسئله یه دائر هیچ برشی سویلمدی. خسته اولنجه صدیقی امامته کچیرمشدی. بوندن استدلال ایتمیلر: امامته بونی لایق کوردی که کچیردی، دیدیلر. فقط حضرت علی حقیقده بویله برشی ده اولمادی.

خلاصه بو مسئله حقیقده حضرت پیغمبرک کندیسنندن هیچ بر حدیث شرفصدور ایتمامش اولدیغندن اول امرده اصحاب کرام مقام خلافتنه کیمک تعیین اولنه جفی حقیقده اختلافه دوشدیلر. نهایت بالاجتهاد صدیقه قرار ویردیلر. صوکره حضرت صدیق عمری ولی عهد یایدی. حضرت عمرک وفاتندن صوکره بر شوری یایدی. شوراده عثمانی انتخاب ایتمدی. صوکره حضرت علی مقام خلافتنه کلدی. شیمدی بونک اساس دینه تعلق نه؟ «دین محو اولمش...» بو، نصل لاقیردی؟

صوکره صدیق خلافتنه کلش، نه یامش؟ مسلك رسولی تبدیلی ایتمش؟ سزده بیلر سکر که مسلك رسولی حرفیاً تطبیق و محافظه ایتمشدر. صوکره عمرده او یله یامش. بتون فتوحات اسلامییه یی یاپان حضرت عمردی. حتی سزی اسلام ایدن او ایدی. بو قدر فتوحات اولمش، حضرت عمر زماننده نیجه بلاد فتح ایدیلمش ویوز ملیونه قریب نفوس حوزه اسلامه کیرمش. بونکه برابر ابتدای زمانده حال نه ایسه نهایتده او ایدی. اکثریا یالین آتاق کزردی که آتاق قابری اسکیمسونده بیت المال متضرر اولماسون. شو حالحه «دین محو اولدی» نك معناسی نه؟

بویله سویلینجه مناظر من طوردی. برشی دیدی. صوکره علاوه ایتم: — ایشته بوذوات کرام مسلك نبی حرفیاً تطبیق ایتمکلرنندن بز اولنری تقدیس ایدرز. ذره قدر انصافی اولان بر مسلمانده او یله یایمق لازم کلیر. عقول سلیمه اربابی بونک خلافتی رد ایدر.

— حضرت علی بک عالم ایدی، بک فاضل ایدی، اسرار قرآنه واقف ایدی.

— طوغرو. اوکا شبهه یوق.

— او یله ایسه نیچون خلیفه او اولمامش؟

— سن مسئله یی دیکشدر بیورسک: علی دها فضل، دها عالم اولدینی ایچون لایق اولان او اولمایدی، دیمک استیورسکنز. او حالحه سزجه دین اساسندن بوزولمامش. اولی اولان شی ترک ایدیلمش، دیمک اولیور. بوندن «دین اساسندن صار صیلدی» دیمک اولور می؟

بونی سویلینجه: — برادر، دیدی، سن لاف سویلتمیورسک. حضرت علی اسرار قرآنه دها زیاده واقف اولدینی ایچون ایلك خلیفه او اولسیدی نیجه خدمتار یاه جقدی. یعنی اسلام بک چوق تعالی ایده جکدی. مقصدم بودر.

دیدم: — سن دعوا کی دیکشدر دك. بر کره بو اولمادی. مع هذا صوکره کندیسی ده خلیفه اولدی. اونلرک بیلمدیکی برشی وارسه نه یه میدانه چیقارمدی؟ باقیارسه، سزک دعوا کره کوره، علی خلیفه اولونجه عالم بتون بتون باشقه لاشملی ایدی...

ایشته بو یولده دها بر چوق شیلر سویلدک. اونک اوزرینه بوذوات دائره انصافه کلرک: — طوغروسی، بوسیاسی بر مسئله در، ادر مزه تفرقه قومق ایچون وقتیه قورولمش بر بلاندر، دیدی.

ایشته کوریلدیور که اونلر منصف آدملردر. کوروشورسک، مداوله افکار ایدرسک طبیعی برلشه جکیز. مال غیر مسلمیه قارشی بیله اظهار خصومت جائز دکلدر. نروده قالدی کندی دین قارداشمزه قارشو جائز اولسون. بو حال بک مضردر. بو کار ترق نهایت ویرملی. افکار مضره یی قالدیرملی، تألیف بینه چالیشملی. بز بو کون خرسیتیانلرله بیله تألیف بینه، اتحاده مجبورز. اتحاد، اتحاد، دائماً اتحاد. بزم ایچون بو کون باشقه چاره یوق. هر کسه اتحاد. احتیاجات زمانیه یی تقدیر ایتملی، اکلاملی ده اوکا کوره هر کس کندی وظیفه سیله مشغول اولملی. الحاصل بر چوق نقطه نظر دن علم کلام کتابلر منزی اصلاح واکال ایتملی. بز. بالخاصه عصر حاضرده کی فلاسفه نك مذاهبنی او قوملی، او کرتملی. مدافعه ایتملی.. فقط هر درلو مدافعه منزی «وجادلهم بالقی هی احسن» حکم جلیلنه توفیق ایتملی. یعنی ادب دائره سنده مباحثه، مناظره ایتملی. اختلافلری قالدیرملی. چونکه حضرت پیغمبرده بویله یاپاردی.

مابعدی وار